

百名家詩選

小引

魏子曰余癖耽山水渡河以北平沙漠漠則河
清難踈瞻太行一抹而已偶聞蘇門百泉之勝
策蹇以從徘徊于嘯臺安樂窩間仰而嘆曰嗟
乎士君子遭時不造具經世之才托足空山僅
以長嘯安樂傳今古也亦已悲已朕蘇門一小
山耳獨此百泉者澄泓數里湧珠千斛月白風
清雨晴雪霽無一不宜意其中必有絕世之資
相應而起果得覩蓼航王太史讀其柿菴詩凌

北地信陽而獨擅一代也或曰信陽清雋沉實
時出入于中盛惟北地俎豆少陵集有唐之大
成太史則伯仲北地而坐進少陵者也茲讀其
七言古風層波百折起伏頓挫無跡可尋而轉
合矩度不失毫黍如龍遊空中首尾搖曳而鱗
甲爪指挺狀森狀五七言近體渾雄博大矯健
蒼老如過齊魯之墟望泰岱佳色鬱乎蒼蒼青
蒨未了真可謂卓然自命者矣如坐蘇門之上
致美百泉曰詩在是也猶淺之乎眎太史矣

百名家詩選

福清魏憲惟度輯選

常熟錢朝鼎黍谷陽武趙賓錦帆

汲縣李實秀范林山陽程涑灘東叅

王紫綬字金章號夢航輝縣人

潞河舟中

振衣謝京塵沿流理輕楫秋露淒以清舟子競
利涉時徂景未晏蟲鳴林葉赤挂席下津門凌
湖拾海月陰風激廣川澄瀾媚晴夕感茲將母

心早歲辭太液回首雙闕高千里如不隔山河
亦已緬霜雪亦已迫綠酒頹朱顏白日凋華髮
翹首望滄洲願言公溟渤浩浩浮雲翔孤鳥烟
際沒徙倚復誰陳宵朕水天碧

山亭夕雨

太行千萬峰昏旦狀非一衆瀑激陽崖層岑翳
頽日支頤雨欲來峰峰鮮定色雪雪華景沉荒
荒巖電匿絕頂滅復明微隙疎還密陰晴一何
速泉鳴澗谷溢空翠生衣裳六月風瑟瑟耳目

亦已窮聲態詎能悉不知何山雲倒放夕陽出
岡巒虧蔽多反悔前峰失眷茲山中有徑到
芝朮詰朝雲起時攜手上翠嶽

棄婦詞

朝鐘不響暮鐘咽烏啼未了鵲啼血空房棄婦
更斷腸手把當時相贈玦一自去幃歲月移夢
裏起居似往時風輕團扇承秋早霜冷銅壺度
漏遲上堂下堂情難異鬢髻猶恐傍人忌北望
徒憐銅雀臺風吹總帳如人開西陵不見使心

哀

大梁宮人行

茅店朔風籬戶破
土榻夜寒捫足坐
苦耳淒音無倦時
始猶絮絮後轉大
自從垂髻入王宮
天下藩封數汴中
五方食貨舟車便
四海衣裳冠蓋通
宮中日夜聞簫鼓
記得憲王春樂府
暗攜玉尺比珊瑚
閒向金籠教鸚鵡
鰲山城市結丹丘
步輦隨登宣德樓
三千朱履高門監
十二雕欄夾道稠
桃笙葵扇泥金虎
藏冰七十二王所

水晶簾映玻璃盃玳瑁簪翻映蝶譜明月離離
海嶠來翡翠凌空飛閣開長嶽清鐘飄鐵塔隋
堤錦纜隱繁臺最是梁園雪欲滿雜選喧闐貂
氣煖錦繡徧圍圍上樹鬪毬初動帳中管教坊
入直殿西頭私言闐闐見風流白鼻騮隨銀鑿
落青油幕覆玉搔頭五門迴斜五十里家家日
在歌聲裏銅鏤熠耀侯嬴關屈戍輝煌朱亥市
晨昏四季賣花天蹴鞠戎戲首鞦韆帝子關雞
輸寶玦妖童走馬失金鞭大家園亭做宋作水

陸年年花石過十番絲竹五侯眠九陌腥羶七
貴唾寒食中元十月朝士女踏壞金梁橋連帷
羅袂肩相並條脫香巾步自搖辛巳闖寇春薄
汴血濺西城六日戰竊符虛擬魏家軍飛鏃哄
傳雷將面冬來捲土壓東城雉堞烽高百里營
尖梯萬架星辰亂鐵礮千家風雨鳴前番射中
闖賊眼幕府上功雙綬綰此番一月用火攻崩
頽埤堦餘三版三版一月不可侵二百年來見
人心周藩朱提紅標記一級償以五十金賊營

今年四野蔽秣馬取禾作家計日日巾幗罵將
軍城上饒吹門自閉麥青卽來待麥黃城上堤
上坐相望此時河南無明土左鎮擁兵踞武昌
富家積金不積穀倉倉糶盡敞空屋死者已果
生者腹生者豈有完骨肉官府下令日搜糧抽
刀控箭入人房搜之烏有日蠲助珠玉還載粟
橐囊五月開門放人出六月塞門防人逸將軍
密計撫軍領肥瘠皆堪充軍實銀滿一抔米一
抔豪家潛向老兵謀老兵米有肉更有私下屠

人公賣牛兵將三日索一賜窮後周王夜不寐
粟紅已罄神宗年鈔黑猶題洪武字白官數月
城上棲鼠雀群空馬妾啼太守骨立麵爲糜方
伯髦年栢作蠶或啜綿子或啖紙四府自飽三
府死將軍通日李駱愁瘦黎園諸弟子中官
朝暮啓王時說盡民間瑣褻詞朽車蓋伴羊裘
煮溷水蟲爲魚子炊八月晝夜連陰雨城下水
從城上取九月忽傳黃河遷天明十七歲壬午
黑雲未散黃雲生一夜千鐘萬鐘聲纔道蛟龍

關北郭旋教樓市收東京匆匆從駕壽山上窪
處洪濤深七丈王家僅餘數尺城女牆缺溢如
破盎馮彘怒叫天吳趨鐘樓鼓樓爭須臾只恐
壽山淪水底相約結帶理珠襦文武將士呼舟
渡舟子操舟左右顧百官在後王在前法度不
行行賄賂舟開遙指古寺牢相國鴨吻百人號
水面忽驚砲火響賊筏漸欲近城壕撫軍聞之
額頻蹙將軍第呼渡河速新河已過過舊河舊
河之水沒車輻王駕倉皇次延津燃燈白屋點

妃嬪低頭拭淚中官嘆幾回錯喚舊宮人左右
紛言鄴下好昨日王駕離酸棗一騎雙乘騎又
稀妾身獨走沙門道夜來和衣宿荒村夢裏猶
入厚載門乍醒不知同伴盡失聲倩視臂間痕
聞道鄴城纔三舍妾身到應是明夜未到預憐
望西陵銅雀惟見漳河下非關老大恨天涯芳
草王孫何處家淒音未斷風漸加颯颯茅店響
霜華噫爾宮人莫惆悵余亦滿身黃河浪說盡
汴梁遺更多河北天寒雞早唱

柳陌行

柳園下馬無一柳河干老人衣露肘却指夕陽
向客言瓦上殘暉蒼鼠走此地豪華記昔年瑟
瑟珠簾樹杪懸宅第雲霄陵衛霍阡陌縱橫邁
寶田五蘊七寶出內賜晨興一筋萬錢費門臨
白馬大王風家接陳橋天子氣梁王賓客許追
陪一水舟車日幾迴雪盡呼鷹遊兔苑酒酣攜
妓上吹臺詔書初膺輦翟選閭闔中開納鳳輦
大練母儀領六宮秋月春花顰笑淺乙丙之間

重厰臣楊左肉銷北寺塵生祠火急封疆吏緹
騎株連偶語人定興夫人曰奉聖婕妤昭儀寵
莫並旨承樊姬使令便侯及呂嬃封爵盛巧竊
威福附貂璫當防冷眼覷昭陽暗引羊車回永
巷互飛蜚語中椒房外家頓失金吾貴大官漸
減掖庭味燈前良姊伴中官灞上將軍逢醉尉
故劍霜寒氣不騰伏后蕭牆百慮增上公已越
九千歲妖媼寧知十二陵戊辰冰消日赫赫太
后坐受新皇冊黨錮最憐戚晚賢手勅恩加太

康伯秦寇重來圍汴京下盡河南七十城揭竿
蔽野龍蛇亂夜火隔河霹靂鳴黃流破城如破
竹舟子操舟上人屋男攀女挽勢欲沉歸去舟
中指可掬甲申日墜燕雲垂髯龍血叫雌龍隨
珥簪雜選胭脂井絃管淒涼凝碧池長信上陽
人俱散三木公卿旬未盥覆巢北海小兒悲牽
犬東門老父嘆昨日魏其今武安擒虎軍中弔
唁難昭陵青塚憑誰問人世空餘賈佩蘭掃清
官禁來 眞主瘴雨蠻烟開幕府征滇貔虎次

朱僊戍粵駱駝過妹土連錢塵滾鐵浮圖
日明金僕姑綺疏閣壞鈴聲啞繡錯田荒麥穗
枯桂叢移作他山樹御碑摩向誰家墓雨摧碧
瓦鴛鴦飛月落雕梁狐狸住自從河口決荆隆
鯨也九載鮮成功秦皇鞭石神人怒漢室泥沙
壁馬空河使下令雷霆吼兩岸蕭蕭星在留隋
堤採罄輸黃金瓠子丁亾鎖白首中原八郡零
一州更番河署起高樓包工白粲連車解折埽
朱堤計畝收是時曾因廝役入十隊紅粧樓上

立故遲檀板宰官領潛倚洞簫嫠婦泣前年徽
倖合龍門河夫雖罷堤夫存慣看月華啣鐵塔
飽嘗雪片舞梁園河開河塞終無已帳殿往回
獵馬喜夷門關市已全非鈞弋粧樓今若此客
猶未語河忽高浪湧沙黃風怒號欲共老人尋
往事數聲野雉起蓬蒿

雪下老梅歌贈朱在其

七尺矮簷三尺雪幽香一夜生古蟻座前月影
動黃昏風吹酒人雙耳熱七十無兒官報罷無

家欲依梅爲舍大婦安閒中婦勤小婦語語私
懣藉老鶴夢穩羅浮清明歲雪花何處下

出崇文門抵通州

去路疑無路昏鴉盡北翔女墻新睥睨宮瓦舊
鴛鴦估火明荒驛秋聲出廢莊翻憐河下水幾
日到高粱

大雪同石仲生傅叔甘飲報國寺松下

買酒來空地雪深沒客蹤同人仍古寺往事只
寒松別院飄清磬虛廊散晚鐘西山明日削再

上兩三峰

同人步訪趙松雪碑蹟於共城郊外

細路霜郊出荒碑夕照前履聲隨落葉人語入
蒼烟日月龜龍老山河蝌蚪懸漢家遺事少好
借蔡邕傳

贈白雲隱者

經年人不到盡室寄高岑垂釣防花落披書濕
樹陰雨苔侵石几風磬出霜林幾次逢君話猶
嫌隱未深

萬泉古寺

山山秋色合亂水冷禪關幽
鳥巢雙葦驚鴻起
一灣松交虛谷響潭定落花閒
悔不同僧住烟蘿共往還

送張坦公前輩之官徽寧

六代笙簫地幾城近不歌秋
鐘藏寺少月笛倚樓多
風冷江邊葉天低雁外河
知君歸興遠幽夢滿烟蘿

蠻烽猶不息水柵夜當關
鐵鎖魚龍臥樓船日

川閒海霜搖白嶽秋葉下黃山一望長江靜上
流簫鼓還

許蘭陵自銀州移官巴西

兩地接風烟西南斷復連猿聲隨漢月雁影帶
秦天驛夢生殘漏鄉書到隔年中原何處望夜
夜有星懸

夜飲許傅巖白露園

坐定泉聲入留人老桂秋琅玕三徑合星宿
池稠骨石雲常濕撲燈翠欲流更深仍不去蘿

月影悠悠

武林曠狀樓

百尺樓空樹樹封秋風無賴更聞鐘海門夜湧
當窻日禹穴雲生對岸峰松影墓田埋琥珀石
華宮雨冷芙蓉客心不分潮來准又見潮回幾
萬重

九山秋眺

高空霜淨出烟鬟一上峇峩盡解顏幾處縈廻
仍古磴忽來蒼翠是何山太行木落啼猿惡河

朔人稀猛虎閒
消眼落霞看不定
夕陽猶駐
松間

豫州形勝俯山東
遠近寒烟幾代宮
鐵堦桃花
瓠口入銅臺
禾黍墓田空
遶林虹影懸
泉水絕頂鶴
翎帶海風
落照蒼茫
千萬壑
珊珊紅柿
早霜中

送張譙明之官池太

吳越諸峰舊展痕
諫官今又出黃門
梧桐一葉
輕霜下襖被
千村落日昏
采石月華生
鐵鎖仙

樓簫鼓靜江豚驚人謝眺青山在白紵臨風倚
畫樽

送許蘭陵備兵鄜延

分陝金鉏過薜蘿高奴飛蓋意如何笳霜白翟
吹長塞磧日黃雲冷大河雪戍鴻翻閒命射羗
樓梅落暗聽歌五原倚劍天垂盡漠漠荒墩入
望多

把酒重看舊鬢毛寒方四月木棉袍沙中旌旆
邊風響笛裏關山雁影高漢使龍駒隨苜蓿秦

天春雨過櫻桃三台不掩巖疆夜何必從人乞
佩刀

卜里

夾河百戰此中原海內繁華屬宋元瓠子秋風
高九月桃花夜雨漲千門天低良嶽星辰下水
接扶桑海日昏鐵堦歸狀仍不動幾行宿鷺起
朝墩

燈火東京盛袂斜天中今古帝王家元碑蝌蚪
蝸添篆宋邸金鋪日射沙波底樓臺過雁影風

前歌舞自薦花一時詞賦鄒枚盡蕭颯長空雪
又華

百泉雜興

山上看成霜山下看成霧濕鐘過澗遲遙向石
門度

泉鳴雨後橋烟宿水邊閣螢火隔中流石陰落
未落

懷侯僊蔭令宣平十年不調

十載括蒼山訟庭空翠積朝衙宿雨晴去鹿遺

香跡

舉頭思故鄉坐久鳴琴歇忽破萬山雲飛來吳市月

潞墳

中官化老僧故殿改新寺林外散鐘聲猶疑銅雀至

長安賦別

霜壓金門日上遲燕王臺畔草離離西風一夜
悲人事團扇秋輕太液池

種徧桃花欲去時滿園啼鳥怨空籬明年羯鼓
知多少肯放春風到病枝

過環姬墓讀一時見和詩多用余前韻率

爾再步

亂紫殷紅上客衣春來不見見春歸那堪泉近
西風早秋月春花一例飛

山童泉咽雨模糊破廟寒烟共一圖夜夢不離
橋畔月醒來猶有玉簫無

題賈膠侯撫軍攀轅圖

夾道朝遮袂作幃逆風獨鳥渡河進信陵不計
俟麻老且向彘門立少時

垂柳青油低復低去輪未肯過隨堤鶯聲苦欲
留長晝滿樹斜陽不住啼

小引

魏子曰詩有別趣不關理也詩有別才不關學也滄浪之言是固然矣不知舍理與學而言詩雖有別趣別才終不可以入道古聖人以詩爲經蓋經者常也常行之謂道道之所在可以經世可以居身可以接物比興之體觀感繫焉匪細故也余曩于旌陽晤僉憲寶松濤先生恂恂莊莊有可親之色知其爲學道人也迨讀其詩有所爲學古堂焉有所爲燕遊草焉有所爲新

宛偶吟焉一以志壽春之治績一以紀長安之
倡酬一以勒新安宛上之名勝靡不響中鳴球
秀奪天錦矣至其丁未歸山復有所爲退耕草
多敦睦鄉閭瀟灑山林之什皆松濤之精神所
凝結發爲光采于聖賢經世居身接物之道燦
然而不可掩也寧僅僅別趣別才云爾乎近訪
孫徵君子夏峰得其冢君亮采世兄函寄倚雉
堂全集暑雨炎蒸中對榻快吟至七律終篇爲
其易簣時逍遙永訣之作絕不沾滯世諦似得

此中三昧益信松濤之于道也確乎其有獲矣
故拔其尤者以復眾君之命

百名家詩選

福清魏憲惟度輯選

桐城戴其員雪看宣城梅清瞿山

嘉善孫棨青門元城張鴻佑念麓

叅

賈遊奇字德邁號松濤大名人

放鸚鵡歌

西方有靈鳥赤喙能言語
鵠鵒雖斷舌未若斯禽著
我今購黃口架上倦飛翥
鳥栖欲高林魚遊樂深處
傷哉羈樊籠能無故鄉慮
落羽辭金

殿繡領鎖公署，禰衡賦未成。放汝隴山去。

獵

洛陽多遊冶，結交誇金張。三河募勇士，名將出其鄉。英風同李廣，淮右掃欃槍。秋高戰馬肥，牽黃復臂蒼。驢驢啣珠勒，鷓鴣膏魚腸。玉轡赤狻猊，琫珌飾鞞囊。一劍擊狡兔，三箭射天狼。空中羽毛落，荒郊猛獸藏。書生不善騎，檢廐得調良。高原看合圍，燔肉復飲觴。獵畢帶禽歸，戎車亦彭彭。意氣頗自得，觀者立道傍。

興雜

幽谷出佳人肌骨若冰雪眼際有芙蓉眉端生
新月東隣宋玉窺三年未一瞥堅貞不嫁人豈
容鑽隙穴十五克後庭六宮無與埒誰知寵生
妬君恩中斷絕長門一步地有如河漢隔古風
日以衰王化日以竭但貴桃李姿不貴松栢節

又

韓鷹具利爪攫物厲秋風使不逢狐兔亦與凡
鳥同丈夫當無事何以異凡庸邊徼忽多故擐

甲效從戎靈鵲化金印旗纛建交龍銘勲膺上
賞晉爵列侯封平時論豪傑管樂亦無功

燕雁問答

白露溥高秋倏忽月將丑鴻雁在中澤南翔亦
不久道逢羣燕子飛鳴相唱喁雁言秋已老北
方不可徇胡不整歸裝差池呼其偶燕言我南
行定在社前後旦晚辭華屋移家攜黃口雁復
前致詞霜雪已濡首一自過塞門卜居瀟湘藪
飲啄俱不遑恐遭弋者手南方遇鷓鴣行將娶

爲婦燕子復鴻雁此邦非好友安恃身尠小穿
簾入戶牖萬一失安居我其巢林不君看鶯與
鳩所處一何厚安然居鵲巢睨睨鳴翠柳我輩
苦行役終歲南北走語罷各歎歎明年還會否

菊花咏

野風吹蔓草群芳俱已歇霜下林葉落籬菊花
始發主人惜寒蕊羅列傍門楔三五排成序顏
色取黃白清影涼如水寒枝冷似鐵淡同靜女
貌寂悟老僧偈似共幽人語商畧細細折秋去

冬已至不久寒將劇庭前噪鳥雀蒼溜洒冰雪
何以賞孤芳開窓延明月

張子房

秦皇如虓虎士民遭毒螫力士一狙擊天下遂
大索雖曰報韓仇無乃類劍客佐主平函夏帷
帳常畫策奇謀蓋群公英風挫項籍能忍成大
謀終遂興漢業一時多奇人似爲子房設後有
四老人前有一黃石

開雁篇

秋聲蕭颯多愁雲雁叫南樓不可聞高飛南北
無停翼往來燕粵不離群李嶠曾爲汾水歌漢
皇赤雁曲如何洞庭湘水木葉落蒼梧白雲霜
色多巫峽猿啼第三聲青田離鶴怨蹉跎望帝
春心化杜宇越王臺上鷓鴣過九辨能催宋玉
哀潘郎頭上已如皚遠聽如聞雙杵鳴羌笛淒
涼怨未開君不見蘇武年來持漢節李陵相別
衣沾血丁年奉使皓首歸不繫帛書空齧雪又
不見毛嬙出塞見吹笳青塚由來墓龍沙蛾眉

不贖妾顏色寄語征鴻恨琵琶別有怨女共逐
臣孤客天邊別故人聞聲多增驚秋夢見影能
教落淚頻啣蘆戀稻自昔傳北鄉不久又來賓
二十五絃彈不去飛來飛去淮水濤

自來安到和州一路山巖蒼翠至溫泉寺

少憇因賦

亂山峴嶠數十里群峯如龍轟雲起行行籃輿
轉山腰有水潺湲流礮底長江鍾阜遠勢來龍
眠巢湖近相倚青松無數如偃蓋白日雜還走

鹿鹿脚踏曲盤石苔滑黃精芝草長不死中有
高人事隱棲縛茅構屋山麓裏倦客登臨意興
嬾遙望蘭若止數里法雨天花常自飛講習堂
外石齒齒僧房寂靜白石鑄頭陀供茶兼菓紫
寺傍有泉如鼎沸熱如探湯色甚美跬步有屋
四圍遮招我沐浴水清泚傳有日光在下蒸不
然疑是火龍髓因思塵世苦煩熱如何炎歊却
在水安得乾坤放逸人探奇名山興未已

遊黃山

仙源城外近黃山一十五里清潭灣綠波潌洄
浮錦鱗水穿地沸响潺湲石能化羊亦化豕黃
山一望色皆紫天都保障石關鞞面對天都峯
盡盡巨樞成林大數圍急礮爭鳴聲太蹙湯口
路分丞相原鷄鳴犬吠滿林谷逶迤數里至湯
泉纖塵不染温可沐斲金嵌玉百道光喬松蒼
翳覆石屋桃花源內千樹花又許漁郎再問楂
硃砂菴近白龍潭萬斛珠璣一水涵鴻鏗鉦鼓
鳴天上內有支公不下龕木蓮九瓣似辛夷異

種天香世外奇從茲境界愈奇哉仄徑崎嶇若
足慳噫吁噫危乎深林邃密仰觀不見天光與
日咳陡澗杳冥俯視不辨九埏與八垓或危巖
崩崩萬仞林木響應聲排厯或細草鋪繡巨竹
成圍丹井藥銚長莓苔雁嬾猿愁忽開平衍一
隙可築般若臺古色剝落兮如隸書草篆千年
歷刦灰奇形突兀兮如刀劔戟鋌勢傑魁可喜
可怖使人肅然心恪湛然慮澄自徘徊竊意負
嶠方壺能有此娑婆世界到此卽天陔嗟乎登

黃山望黃海茲山高一千一百丈三十六峯盡
差卓秦皇漢武皆後起開闢迄今幾萬載五嶽
四海雖稱尊勢壓東南半壁窗窳嶽巖惟此喜
在我門根芒屨筇杖笏皮冠生平素有盧敖魔
若同劉阮入天台揖浮丘拜容成閬湖飛龍至
今在

登敬亭山弔李太白

大塊下墜成敬亭宛溪終古常清冷近城綿亘
幾十里突兀屹立在郊坰一望層巒皆蒼翠方

春草木白娉婷逐隊來遊多麋麝鳧鷖淺水羣
梳翎琴溪仙跡在眼前麻姑鍊丹幾千年山川
得人非偶然千秋幻出李青蓮錦袍色似翠雲
鮮豪飲猶如瀑布川白也已騎長鯨去精靈常
在敬亭巔山中芳荏年年長白也新詩字字傳
潯陽雨夜郎霧采石捉月月不顧不能携得敬
亭去我來數百餘年後登山猶見題詩處

題劉松年岳陽樓畫

丹崖蒼壁江南有數年相對亦非偶岷江浩浩

萬里來予昔泛舟在京口一時謝政歸故鄉惟
見浮伾與濁漳雖然素有向平志但苦千里難
裹糧少文臥遊亦可人安見畫裡卽非真家無
米家書畫舡揀得舊本劉松年岳陽樓比黃鶴
樓懸來滿室生雲烟我聞樓在瀟湘之尾洞庭
之口下有長江蛟龍吼有時風靜水如練君山
一點在兩肘湘女梳頭對明鏡水光山色入戶
牖黃陵廟裡人烟集西邊欲落扶桑日萬艘千
航泊江頭洞賓飛過人不識一一傳神阿堵中

惟有范老一記畫不出

賦得煖室海棠

室煖留生意枝頭紅已堆欲謀傲雪蓋須築避
風臺乘臘何全放睡春却蚤開臙脂寒色淡不
問嶺南梅

寄嚴兒家報

平安付驛使秋仲尚難回夏麥須常晒寒蔬及
早栽雨多防屋漏窓閉懼書良節費納官稅無
勞里正催

九華山

九華登絕頂遙望近黃山
岩草迎眸轉危橋引步艱
煙消羣壑現風靜野雲閒
峭壁夾幽澗峽鳴水一灣

躡屐偶登眺雕鏤屬化工
水流千澗外降入大江中
蒼翠滴仙館丹霞鎖梵宮
夙懷遊五嶽此地得無同

夏日久雨乍晴同友人賞月

樓敞能驅暑長空散錦箋
何人歌朗月疑是鮑

參軍影濕猶沾雨光斜不帶雲
欹冠雜坐久一
曲鼓桐君

夏日卽事

樽散宣州吏焚香對此君
門流春穀水窓起敬
亭雲樹色鏡中落溪聲
月下聞方塘閒徒倚鷗
鳥自爲群

江上泛舟

極目茫無際煙波似洞庭
淺深識水色濃淡辨
山形潮落魚龍散霜遲艸
木青夜來渾不寐櫂

外見天星

正月十七日野泊

蟾蜍猶未減四望盡空陂天淨光能瀉岬嶢勢
欲歛雙蛟乘浪鬪群鷺隔灘嬉敗葦蕭蕭動疑
人夜半窺

秋浦汎舟

盈盈今夕月照見九華峰幽宿驚龍吼懸崖探
虎蹤水聲咽亂石夜色隱青松四壁人煙絕遙
聞遠寺鐘

春日懷劉覺岸

昔我同年友而今幾箇存如君復石隱夢不到
青門把酒移山影垂竿繫月痕青青原上草何
處覓王孫

三月晦日作

野水滿橫塘蘿痕印短牆雨來旋鶴井風急亂
鶯簧虛牖納朝霽空亭受晚涼一卮聊自醉未
曉尚春光

遣懷

年老抄書讀逢人敢醉狂衣裳取草木談話盡
農桑蘿逕招幽客山禽戀小堂桃源隨處有何
必問漁郎

漫題

鑿泉石罅下積水亦潺湲門小開還閉鹿馴動
亦閒訪僧取慧劍交友借他山黃鵠翔霄漢不
令弋者攀

位置耕漁事小勞興未闌不憂田斥鹵但要竹
平安白雪和歌少青山吾道難管寧有一榻朝

夕可盤桓

香煙

爚出灰生韻清齋樂事便凝空得作態散縷欲
流涎弱質堪浮硯輕姿可入筵忽疑雲鬢鬢驟
覺霧綿綿霞落遊絲遠風飄亂影遷遶薨色易
繪落紙氣難牽非岫何蒸氣是煙自吐鈿魂空
因悟偈象幻可叅禪芬馥蘭同味躡躑舞併妍
茶槍宜旣燼琴韻喜長然散聚紋綺結翻翻穀
靄旋燈光爭嬾嬾窺縷效翩翩秋霧晨蒙莖春

濤曉出泉曾攜朝滿袖爲此賦詩篇

譙郡有懷

征馬長嘶古道傍江山猶是舊商湯西園有客
稱才子鄴下何人竊帝王細雨斜侵羅襪冷春
風輕颭菜花香千秋欲洩奸雄恨野雉空飛過
白楊

壽春署中雜咏

八公山上列連營千載如聞草木聲投水無鞭
驕晉壘賭碁有屐郤秦兵荒丘漠漠猿猱叫落

葉蕭蕭雁鷺鳴勝地名賢兩寂寞白雲蒼狗幾
回更

述懷

地僻幸無車馬喧觀他戶外眼常昏築幽時羨
南山隱謀醉頻開北海尊荒徑遙思羣鶴在敝
廬猶憶菊松存篋書半榻移支枕寄跡江湖且
杜門

初月

一片晴空明且幽黃昏始出挂瓊樓凝暉綺幔

侵羅帶落影江湖作釣鉤
纖指未盈水鏡滿彎
眉時散玉繩流
朔朝已倒山河影
無地清光不可收

玉泉山

萬泉噴湧作西湖
四望芙蓉今已無
寺遠僧還
明月在水流路斷野橋孤
濯纓塵去一朝靜脫
帽涼來竟日呼
竹裡行厨客饌簡
放歌不減舊
狂奴

高粱橋

聞道高梁二月天芳郊淑氣鎖晴煙清明士女
鞦韆會修禊遊人歌舞筵錦雉亂飛春樹裡黃
鸝巧語綠楊邊我來夏盡秋初日一望荒阡野
草連

登西山絕頂

珠宮縹緲倚雲霄檻外層巒一望遙北去欲連
碣石頂東來時吸海門潮泉聲似擊馮彝鼓鶴
唳如吹羸女簫咫尺蓬萊天闕近終南自古護
神堯

山行遇雨

數峰矗立一峯青
峰上玲瓏結小亭
半壁嵐光藏鳥道
長松偃蓋蔽天星
風生洞口雲猶黑
龍過山腰雨帶腥
遊客未曾持箬笠
歸來殘虹射簾櫳

甘露寺

爲愛招提杖竹筇
緝官門外草茸茸
僧獻玉磬風逾靜
客飯胡麻水自春
出洞正逢雙白鶴
入門止見數青松
珠林別後秋郊寂
霜樹紅如二

月濃

冬日遊鳧山

地以名賢重得名遠遙數里近旌城
天空一鳥平蕪下雲散千峯畫裡行
旭日近舍梅蘂出餘霞遠帶雪花輕
梵宮此日閒登眺不減南樓庾亮情

宿江寧鎮

江寧驛口暫停旌又是北來幾日程
漁艇晚炊煙乍起踈星漸落月初明
烏啼簷角飛無定風

剪林梢寒有聲伏枕不堪思往事殘燈獨坐夜
三更

惜春歸

百年事業漫相商九十韶光曉底忙柳絮未飛
鶯踏落桃花初卸鳥啣將爲燒銀燭消殘漏好
障丹紗護晚芳客裡不堪春色去且圖拚醉紫
霞觴

春日偶步郊園

罷却名場棲隱時每逢春日例題詩溪雲初起

風吹斷野樹平鋪鳥踏垂雨後
變苗爭上下日晴花朵舞參差
東郊茅屋園林好閑步青苔麋
鹿隨

登大浮山絕頂同社友陳越石翫月

載酒同遊竹院深巒岑山勢共
追尋綠波渺渺河流急落日蒼
蒼樹杪沉昔讀雄文頻問字今
逢蘭若喜開襟夜闌忽送千峰
雨如殺姮娥一片心

花朝後二日連有疾風驟雨俄而成雪因

賦

二月穠花草木菲終朝冷絮滿空飛出門鷗尾
風吹斷獨坐蝦鬚雨漏稀弱草負暄萎已凍蟄
蛭出戶力還微那堪春日行冬令佇望陽和幹
化機

送劉導九侍御假滿還朝

蕭蕭驄馬踏青莎周道逶迤在史過花咲鶯歌
登大陸雪殘風靜渡滹沱禁城仙仗天邊轉長
樂鐘聲雲裡和 主聖無煩陳諫草從容退食

白鳴珂

金灘卽事

深秋乘興到山家
茵茵凋殘嘆若耶
河漲魚鷹獵水急
沙深奴雁守更斜
汀蘆老似千行竹
柿葉紅如二月花
木落潦清天欲暮
涼風叢桂入窓紗

蒼頡廟

門前何代種喬松
古廟荒涼煙霧濃
春至壞墻生薜荔
秋來積水老芙蓉
貝書龍負通樵徑
碑

組蟲侵有土封欲效杜陵題禹廟一天暮雨濕
行蹤

初夏漫成

新綠初肥草木榮南窓枕簟暮寒生偶然對酒
心先醉相約看花意懶行節過梅天晴亦雨月
逢望日且猶明小軒浴罷渾無事起聽西園蛙
鼓聲

黑甜一夢到桃源瓦枕繩床樂小軒
角花開稱姊妹籬邊竹逆號翁孫
蛤蜊脫殼羽初振
螻

烟鳴陰聲尚吞孟夏嘉辰說浴佛龍華爭赴給
孤園

孫右漢新成沙堤別業

幽趣恒存物外心別開池館晝陰陰荷擎玉露
紅粧嫩柳變青條晚翠深時向綺窓臨故帖偶
來密樹理瑤琴高車旦晚催君去未許常歌梁
父吟

移竹

乞得數竿植水榭炎天節候氣氤氳老枝解籜

龍腰見新粉披砂鳳尾分今日稜根須帶雨他
年拂髀欲凌雲淇園西去無多地每望平安報
此君

夏夜

繩床偃臥數明星露滴梧桐落小庭夜飲有時
驚宿鳥晚行偶爾借流螢窓前一氣涵虛白檻
外千竿送遠青漏下三更松際響滿天風雨色
冥冥

初夏飲黃石筍白醉齋時予謝政初歸

四月麥黃繭出蛾春光九十忽然過晴霞暄色
侵柔草細雨涼聲到小荷彭澤自憐歸去晚茂
陵徒媿著書多相逢劇飲消長晝莫訝高軒着
釣蓑

憶舊詩

忽然有夢到梅谿箬葉青青柏葉齊山色似雲
千片落水光如黛亂痕低峽邊芳草連天綠谷
口幽禽盡日啼誰道函關天下險東封止可一
丸泥再補新苑

孔雀

南國遠來都護鳥北方珍重此禽稀
初辭滇洱猶迴首久別岷雄難共飛
當日陸離憐翠羽至今零落歎珠衣
揀書讀罷楊修賦欲啟金籠放爾歸

曾聞翡翠比琅玕恐歷冰霜不耐寒
張尾徐翔如紫鳳振衣應節似青鸞
未能丹穴雲中見却就樊籠堦下看
金馬碧鷄山萬里昇來登懼道途難

新柳

鶯語初嬌酒夢醒
起來忽見柳娉婷
隋堤富貴真難遇
羌笛淒涼尚可聽
嫋嫋腰肢垂繡戶
年年離別恨旗亭
嫣紅姹紫當春盛
却讓柔絲枝上青

咏燕

社日忽逢春已分
巡簷小燕自成羣
千聲巧喚深閨夢
兩尾輕穿畫閣雲
海客有時爲國壻
鷓鴣何事避周君
眼前不久經三夏
將子同歸越

水濱

三山磯

芒鞋偶一到
覲面亦巘岼
半臂浸江水
無人山
意寒

采石懷古

茲山歷萬年
突兀起孤嶼
欲覓酒中仙
秋江寂
不語

高郵舟中書所見

欸乃漁人舉
掉聲女郎隄
畔蹋歌行
桃蹊柳陌

人爭渡送盡孤帆一日程

西子

錦娃齊唱採蓮歌二國興亡問苧羅寂寞千年
煙川冷浣紗石上青苔多

卓文君

篋橋橋下餘琴臺多病相如作賦才留得埜花
如面靨白頭有怨爲誰開

王嬙

一去紫臺別漢庭琵琶猶恨畫中形盧龍塞外

荒原草惟有昭君塚上青

虞美人

血染霜鋒氣盡消
俠名偏自出妖嬈
拔山欲下英雄淚
滿地香魂不可招

趙飛燕

複道遺書金步搖
趙家姊妹態多嬌
昭陽侍寢爭新寵
何日天家禍水消

班婕妤

猶記承恩夜未央
天顏有喜御爐香
自從絳扇

西風急長信蕭蕭水殿涼

楊玉環

月殿霓裳一曲歌漁陽兵起鼓聲多花鈿委地
紅顏盡七夕其如共誓何

江采蘋

六宮粉黛不相宜獸喚梅花冰雪姿當日蛾眉
一淡掃不同楊氏如諸姨

張麗華

艷色由來四海兵姮娥桂殿出飛瓊雖然宮闕

成塵土留得新詞玉樹聲

綠珠

名園金谷已成塵千載猶傷石季倫有盡繁華
皆似夢至今惟說墜樓人

金陵

龍行虎視起江東顏謝才名一代雄當日若無
檀道濟依然賣履舊家風
九重日日禮浮圖麴代犧牲事有無堪笑梁王
憾不得臺城應悔作佛奴

鸚鵡

金眸靈鳥出西河，曾向潼關一度過。
莫恠樊籠常繫爾，能言自古譴尤多。

采石懷李白

魚龍變化大江灣，千載名存采石山。
公自得仙鯨背去，空留明月照人間。

貰酒江亭解佩刀，奇峯兀壑飛濤。
乘舟捉月人千古，猶憶當年宮錦袍。

家園小葺

新築茆扉松下開
小園蕪菜滿畦栽
虛堂四望納風雨
時有香從水面來